

ایکھجی سنہ

نومرو : ۵

خزینہ اوراق

تاریخ تاسیسی
۱ مایس سنہ ۱۲۹۷



تاریخ طبع
ونشر } ۲
۱
۱۲۹۸
ط

مؤسی

محمود جلال الدین



۸۶ بو رسالہ ادبیہ جمعہ ایرتسی کونلری چیقار

..... اولدم هلاك

مرحتسز كوكلك يهوده كيردك قانته



تاریخ طبیعی

—

لاماوپوقو

آمریقا قطعه سی کشف اولندیغی وقت بر عتیقه
مشهودمز اولیان لاماوپوقو دنیلان ایکی حیوان امریقا-
لورک خانکی حیوانلری صره سنده کورلمشدر. بونلر یالکز
اسپانیای جدیددن تا مار پللان اراضیسنه قدر ممتداولان
سلسله جبالده بولنورلر. کره ارضک اک مرتفع محالرنده
اسکان ایدوب یشادقلرینه باقیلورسه بزم مرتفع طاغلر-
یمزک هواسندن دها خفیف ودها تمیز بر هوایی تنفس
ایتمک استدکلری و بلکه حیاتلرینی بو صورت ایله وقایه
ایتملری لازمکیور.

لامارک «وطنلری ومنشألری (پروا) اولوب (پوتوسی) دن
(قارقاسه) قدر پرونک سطحنده حیوانات مذکوره کثرت
اوزره بولنیور.

بونلره اورالرده بک اهمیت وریلور هندولرک بتون

ثروتی حیوانات مذکورہ اولوب اسپانیالور دخی بو حیوانک بوزندن خبیلی تمتع واستفاده ایتمکده لدر . لمجری اکلہ ویوکلری دخی غایت اینجه برتفتیک اولوب چوق شیلره قوللانغه صالح در بونلر مدت العمر مملکت مذکورہ نک ذخایرینی برمحلدن دیگر محله نقل ایتمکہ استخدام اولنیورلر . بونلر اکثریتله یوز الی لبرہ قدر یوک قالدیروب قوتلوری ۲۵۰ لبرہ قدر دخی قالدیره ییلور . حیوانات سارہ ایچون مرور و عبوری غایت صعوبتلی اولان محللرده بونلر مسافه قطع ایدرلر سده غایت یواش یوریه رک کونده انجق درت بش فرسخ یول یوریه . ییلورلر . چونکہ یورویشلری و حرکتلری آغیر و تمکینلی اولوب ایاقلرینی دخی قویجہ باصرلر . پک باش اشاغی اولان ایندیلردن اینوب ویوکسک قیالردن چیقہ ییلورلر کہ بعضاً کوچ حال ایله انسانلر بونلرہ رفاقت ایدہ ییلور . کندیلرینہ قالسه درت بش کون متعاقباً یول یورویره رک نه دن صکرہ برمدت استراحت ایلرلر . بوتوسی معدنلرنده بونلری چوق قوللانورلر .

حیوانات مذکورہ نک عمرلی پک اوزون اولیوب اون ایکی یاشلرینہ قدر قوتلرینہ ضعف کلمز سده صکرہ لری یواش یواش قوتدن دوشوب اون بش یاشلرینہ واصل اولنجہ

بالکلیه درمانسز قلوب ایشه پرامزلر . بونلرک اخلاق
طبیعی امر یقالورک اخلاقنک عینی اولوب غایت حلیم و
هر برایشی کمال وقار و موازنه ایله اجرا ایدرلر . یول
یورویوبده بر لحظه استراحت ایتمک استدکلیری وقت
کمال احتیاط ایله دیرلرینی بوکهرک صرتلرنده اولان
یوکی قلداتوب دوشورمامک ایچون چنه لرینی دخی بر عجایب
طرزده اکهرک او یله چو کرلر . سور یجیلرک ایصلیقنی
ایشندکلیری کی یته مارالذکر احتیاط اوزره یرلرندن
قالقهرق یورومکه باشلارلر . یول یورورکن تصادف
ایشندکلیری اوتلری اوتلایه رق کیدرلر . فقط بتون کون
آج قالدقلری زمانلرده بیله کیجه لین هیچ برشی یمزلر . زیرا
کیجه لری مطلقا کویش کتورمک عادتلریدر . او یودقلری وقت
کو کسلیرینه طیانه رق وایاقلرینی بطنلری آتته آله رق بو صورتده
کویش کتوروب او یورلر . زیاده ازغین اولدقلری ویا خودکه
یوک آتنده قالدقلری وقت نه قدر ضرب اولنسه لر بیله
یرلرندن قلدانمزلر . و بر آزدها اوزرلرینه وار یله جق و
فنا معامله ایدیلر جک اولور ایسه . نو مید قاله رق باشلریله
صاغه و صوله اور یته رق کندیلرینی هلاک ایدرلر . فقط
کندیلرینی نه ایاقلریله ونه دخی دیشلریله محافظه ووقایه
ایتمیوب بالکر منفعل و غضبناک اولورلر . بونلره طایق معامله سی

ایدنلرک یوزلرینه قارشو اغزلری کوپورور و بویله شدت وحدت
اثناسنده آتدیغی کوپوکلر غایت حامضی و کسکین و آجی
اولوب انسان در یسی نك اوزرنده برطاقم قبارجق حاصل
ایدر. مابعدی وار

احد جدی افندی



جنتقر سامی پاشا خاندانندن — بیوک ذواتک سرامدا-
نندن عبد الباقی بک افندینک مصنع بر غزللری المزه کچمش
اولدیغندن بوجه اتی نشر ایدیورز: شعرای بنام طرفلرندن
تنظیره بک لایق بر اثر در. — فقط قافیه بک تنک اولدیغندن
فیضی افندی حضرتلری اقتدارنده کرچکجی شاعرلر
کیملر ایسه اونلر همت بیورسونلر.

—

چیقوب کلزاره مثل غنچه آج ای شوخ کلغم فم
هنوز کلبنلر اوزره عندلیب اورمزدن اقدم دم

رخ آلکده کرمی هوادن ظاهر اولمش تر
اولور پیدا دوشنبه ورد سرخ اوستنده شبنم نم